



## Reglament davart il praticum lung da las scolas medias commercialas en il chantun Grischun (model 3+1)

(valaivel a partir da l'avust 2026)

Quest reglament è ina part integrala dal contract da praticum tranter la scolara u il scolar da la scola media commerciala (numnà qua sutvart praticanta u praticant) ed il manaschi da praticum. Il reglament vegn agiuntà al contract.

### 1. Basas giuridicas

- Lescha federala davart la furmaziun professiunala dals 13 da december 2002 (Lescha davart la furmaziun professiunala, LFPr; CS 412.10)
- Ordinaziun davart la maturitad professiunala federala dals 24 da zercladur 2009 (Ordinaziun davart la maturitad professiunala, OMP; CS 412.103.1)
- Ordinaziun dal SEFRI davart la furmaziun professiunala da basa Commerzianta / Commerziant cun attestat federal da qualificaziun (AFQ) dals 16 d'avust 2021 (CS 412.101.221.73)
- Plan da furmaziun Commerzianta / Commerziant AFQ dals 24 da zercladur 2021 per la furmaziun professiunala da basa Commerzianta / Commerziant cun attestat federal da qualificaziun (AFQ)
- Plan d'instrucziun general per la maturitad professiunala dals 18 da december 2012
- Ordinaziun davart la scola media commerciala dals 8 da november 2011 (OSMC; DG 425.130)

### 2. Praticantas e praticants

Las praticantas ed ils praticants cumenzan l'onn da praticum cun in satgados teoretic emplenì sco er cun experientschas praticas ch'els han fatg durant ils moduls da scolaziun ch'èn integrads en l'instrucziun e – tut tenor la scola – durant in praticum da manaschi da 4 emnas. Las praticantas ed ils praticants, che han per regla almain 18 onns, stattan a disposiziun al manaschi l'entir onn durant 5 dis per emna. Quai cun excepziun da las vacanzas usitadas (per regla almain 5 emnas) e da las absenzas durant ils curs intermanaschials (8–16 dis, tut tenor la branscha da scolaziun e d'examen) e la preparaziun per la procedura da qualificaziun (PQ; cf. cifra 8).

### 3. Furmaziun preliminar a la SMC

Suenter ina instrucziun da 3 onns a temp cumplain en ina scola media commerciala (SMC) en il chantun Grischun han las praticantas ed ils praticants – ch'èn sin la via a l'attestat federal da qualificaziun (AFQ) Commerzianta / Commerziant cun maturitad professiunala en economia e servetschs, tip economia – terminà lur furmaziun fundamentala scolastica. Accents da la scolaziun orientada a la pratica èn economia e dretg, finanzas e contabilitad sco er furmaziun da la pratica professiunala e competenzas digitalas (champs da cumpetenza d'agir B fin E). Ina furmaziun generala extendida en trais linguas, en matematica, istorgia ed instrucziun civica sco er en scienzas natirals cumplettescha las enconuschentschas economicas e commercialas. Bleras praticantas e blers praticants han certificats da linguas estras renconuschidas sin plaun internaziunal (First Certificate in English [FCE], Diplôme de Français du Secrétariat [DFS], Certificati di Lingua Italiana [CELI]). Per che las praticantas ed ils praticants possian obtegnair il AFQ e la maturitad professiunala federala, ston els pudair cumprovar in'experientscha professiunala. Tenor l'Ordinaziun dal Secretariat da stadi per furmaziun perscrutaziun ed innovaziun (SEFRI) davart la furmaziun professiunala da basa Commerzianta / Commerziant cun

- AFQ sto quella vegnir acquistada cun in praticum lung d'almain 12 mais (5 dis per emna).
4. Finamira  
 Ils cuntegns didactics che ston vegnir instruids durant l'onn da praticum sa basan sin il plan da furmaziun da la branscha da scolaziun e d'examen respectiva.
5. Durada  
 L'onn da praticum dura 12 mais e cumenza tranter il 1. da fanadur ed il 1. d'avust.
6. Access a la plattafurma d'emprender  
 Las licenzas per la plattafurma d'emprender (login per praticantas / praticants e furmaturas professionali / furmaturers professionali) vegnan cumpradas dals manaschis da praticum avant il cumenzament da l'onn da praticum. Il manaschi surpiglia ils custs.
7. Curs intermanaschials (Ci)  
 Ils curs intermanaschials cumpletteschan la furmaziun en il manaschi ed han l'intent d'introducir las praticantas ed ils praticants en las abilitads ed enconuschientschas fundamentalas commercialas e d'als preparar per l'ulteriura furmaziun en il manaschi. Ils curs intermanaschials intermediateschan ultra da quai las competenzas specificas da la branscha.  
 Ils curs intermanaschials han lieu tenor las directivas da la branscha da scolaziun e d'examen respectiva.
8. Procedura da qualificaziun (PQ)  
 La procedura da qualificaziun sa drizza tenor las disposiziuns da l'Ordinaziun dal SEFRI davart la furmaziun professiunala da basa Commerzianta / Commerziant cun attestat federal da qualificaziun (AFQ) dals 16 d'avust 2021 (CS 412.101.221.73), e tenor las disposiziuns executivas appartegnentas concernent la procedura da qualificaziun cun examen final per Commerzianta AFQ / Commerziant AFQ.
- L'examen scolastic final en il sector da qualificaziun «Enconuschientschas da la professiun e furmaziun generala» (examen en scrit ed a bucca) da la procedura da qualificaziun vegn manà tras da la Scola media commerciala vers la fin dal praticum. Per quests terminis ston las praticantas / ils praticants vegnir dispensads dal manaschi (senza deducziun da paja, vala sco temp da lavur). Sa basond sin il conclus da la Regenza dals 20 da zercladur 2023 (CR; prot. nr. 517/2023) realisescha la Scola media commerciala in repetitori da 40 lecziuns (5 dis ad 8 lecziuns) per preparar la procedura da qualificaziun scolastica. Questas lecziuns crodan en il temp da lavur e valan uschia sco temp da lavur.
- En il rom da l'examen final manaschial en il sector da qualificaziun «Lavur pratica» da la procedura da qualificaziun vegnan examinadas – vers la fin dal praticum – las finamiras da prestaziun dals champs da cumpetenza d'agir en ina lavur pratica da 50 minutas (lavur da cas specifica per la branscha ed accumpagnada). La lavur da cas specifica per la branscha ed accumpagnada vegn realisada a bucca e po cuntegnair incumbensas parzialas en scrit.
- La nota empirica da la part manaschiala vegn furmada da:
- la nota empirica da la furmaziun pratica professiunala: duas cumprovas da cumpetenzas (1 per semester) per la furmaziun pratica professiunala (mintgamai 25 %)
  - la nota empirica dals curs intermanaschials: duas cumprovas da cumpetenzas dals curs intermanaschials (mintgamai 25 %);

Annunziar las notas:

Las scolas dattan als manaschis da praticum in login per la banca da datas davart ils examens finals d'emprendissadi 2 (DBLAP 2).  
 Ils manaschis da praticum e l'organisatur dals Ci registreschan a temp las prestaziuns manaschialas furnidas durant il praticum (2 cumprovas da cumpetenza manaschialas per la furmaziun pratica professionala e 2 cumprovas da cumpetenza per ils Ci) en la DBLAP 2.


9. Pretensiuns envers ils manaschis da praticum  
 Per scolar praticantas e praticants dovran ils manaschis da praticum ina permissiun da furmaziun per la furmaziun professionala da basa Commerzianta / Commerziant AFQ. Questa permissiun vegn emessa entaifer il chantun da l'Uffizi per la furmaziun professionala (UCFP). Manaschis da praticum extrachantunals dovran medemamain ina permissiun da furmaziun che vegn concedida da l'autoridad chantunala cumpetenta.
10. Contract da praticum  
 Per concluder il contract sto vegnir duvrà il formular uffizial «Contract da praticum» dal chantun Grischn. Quel po vegnir chargià giu da la pagina d'internet da l'Uffizi per la furmaziun media-superiura ([www.ahb.gr.ch](http://www.ahb.gr.ch)).  
 Il contract da praticum sto vegnir sutscrit dal manaschi da praticum, da la praticanta u dal praticant, eventualmain da la represchentanza legala sco er da la SMC e vegnir tramess en 4 exemplars a la SMC. La SMC suttametta il contract da praticum al UCFP per l'approvaziun.  
 Quest reglament è ina part integrala dal contract da praticum e sto vegnir agiuntà a tal.
11. Manaschi da praticum ordaifer il chantun  
 En cas d'in praticum en in manaschi ordaifer il chantun Grischn è da princip l'organisatur respectiv dals Ci dal chantun Grischn cumpetent per organisar ils Ci. La procedura da qualificaziun manaschiala vegn fatga en il chantun Grischn.  
 Il UCFP resp. la direcziun dals examens po permetter excepziuns areguard l'organisaziun dals Ci resp. areguard la procedura da qualificaziun manaschiala.
12. Custs  
 Ils custs totals per ils Ci, per l'access a la plattafurma d'emprender sco er per la procedura da qualificaziun manaschiala ston vegnir finanziads dal manaschi da praticum, suenter la deducziun da la contribuziun chantunala als Ci.
13. Salaris  
 Ils salaris da las praticantas e dals praticants durant l'on da praticum pon vegnir negoziads libramain. Quai dentant cun resguardar las recumandaziuns da la Societad svizra d'emploids da commerzi.
14. Assistenza tras la patruna u il patrun  
 Il manaschi da praticum intermediatescha las enconuschientschas fundamentalas da la branscha sin basa dal plan da furmaziun da la branscha da scolaziun e d'examen respectiva.
15. Attestat da praticum  
 A la fin da l'on da praticum emetta il manaschi da praticum in attestat da praticum (attestat da lavur) per mauns da la praticanta u dal praticant (art. 346a dal Dretg d'obligaziuns).
16. Accumpagnament tras la scola  
 Ina persuna d'instrucziun da la SMC cumpetenta è responsabla per il contact tranter la scola, la praticanta u il praticant ed il manaschi da praticum. Als partenaris participads serva ella sco emprima persuna da contact. En il carnet d'obligaziuns per las persunas d'assistenza da scola durant il praticum lung da las SMC vegnan regladas las

incumbensas en detagl. La scola è responsabla per garantir la qualidad dal praticum lung. Latiers tutga:

- determinar ina persuna d'assistenza da scola per mintga praticanta e praticant avant il cumenzament dal praticum;
- infurmar a temp davart ils termins, las proceduras e las pretensiuns a las emprendistas ed als emprendists sco er als manaschis;
- cussegljar e sustegnair durant la tshertga da plazzas da praticum;
- il contact cuntinuà cun manaschis da praticum concernent las aspectativas, la documentaziun da prestaziuns, la procedura da qualificaziun ed ils Ci;
- scolar ils manaschis da praticum concernent l'introducziun da novas regulaziuns (p.ex. nova Ordinaziun da furmaziun);
- annunziar il dumber da praticantas e praticants a l'organisaziun dals Ci fin 3 mais avant il cumenzament dal praticum;
- annunziar mutaziuns sche necessari a las purschidras ed als purschiders dals Ci;
- il reporting suenter la fin dal praticum.

Cuira, fanadur 2025

**Uffizi per la furmaziun media-superiura**



dr. Gion Lechmann, manader da l'uffizi

**Uffizi per la furmaziun professiunala**



Curdin Tuor, manader da l'uffizi

## Agiunta

Praticum lung da las SMC: far, suttascriber, controllar e reparter il contract da praticum

Manaschi da praticum    Praticanta u praticant    Scuola media commerciala (SMC)    Uffici per la furmaziun professiunala (UCFP)    Organisaziun dal mund da lavur (OdML)

